



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 414
e – mail: info@voda.ba

Broj: **UP-1/21-1-40-209-4/22**
Datum: **08.07.2022. godine**

«Agencija za vodno područje rijeke Save» Sarajevo rješavajući po zahtjevu JP "CESTE FEDERACIJE BiH" d.o.o. Sarajevo za izdavanje prethodne vodne suglasnosti za rekonstrukciju raskrsnice-mosta na cesti M16, dionica Donji Vakuf-Kupres u naselju Poriče, općina Bugojno, na osnovu člana 109. stav 1. točka 10. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99), donosi

R J E Š E N J E **o prethodnoj vodnoj suglasnosti**

1. Investitoru, JP "CESTE FEDERACIJE BiH" d.o.o. Sarajevo daje se prethodna vodna suglasnost za izradu projektne dokumentacije koja se odnosi na rekonstrukciju raskrsnice-mosta na cesti M16, dionica Donji Vakuf-Kupres u naselju Poriče, općina Bugojno u postupku pribavljanja lokacijske dozvole.
2. Prethodna vodna suglasnost se daje na osnovu pregleda dokumentacije, utvrđenog činjeničnog stanja i pod sljedećim uvjetima:
 - 2.1. Izraditi i revidirati investiciono-tehničku dokumentaciju predmetnog objekta iz točke 1. ovog Rješenja na razini potrebnom za pribavljanje dozvole za građenje u kojoj će se dati tehnička rješenja koja se odnose na problematiku voda u skladu sa propisima koji važe za ovu vrstu objekata.
 - 2.2. Da je lokacija predmetne raskrsnice-mosta mosta usuglašena sa važećom prostorno planskom dokumentacijom za predmetno područje, a što će se potvrditi urbanističkom suglasnošću.
 - 2.3. Most treba imati takav položaj da u fazi gradnje kao i eksploatacije nema negativan uticaj na proticajni profil korita u odnosu na sadašnje stanje, da konstruktivni elementi mosta ne izazivaju posljedični uspor za vrijeme građenja, ne remete strujni režim i ne narušavaju stabilnost i funkciju izgrađenih ili planiranih objekata za zaštitu od poplava.
 - 2.4. Sa vodoprivrednog aspekta kota donje konstrukcije betonske nosive grede ili ploče, u polju i na osloncima, treba da bude viša za minimalno 80 cm u odnosu na kotu nivoa velike vode rijeke Poričnice ranga pojave 1/100 godina, uključivši i uspor od budućeg mosta.
 - 2.5. Sastavni dio investiciono - tehničke dokumentacije za izgradnju mosta treba biti: Elaborat/projekat u kojem će se provesti hidraulički proračun propusne moći projektiranog otvora mosta, odrediti nivo stogodišnje velike vode na lokaciji mosta sa eventualnim usporom, provesti hidraulički proračun za dionicu uzvodno i nizvodno od mosta, utvrditi vučne napone u koritu te za slučaj ako su veći od dozvoljenih u prirodnim koritu odrediti potrebnu dužinu prelaznih dionica od obalnih upornjaka do prirodnog korita sa oblaganjem kosina korita u svrhu zaštite od erozije.
 - 2.6. U projektnoj dokumentaciji dati tehničko rješenje sustava za prikupljanje, tretman i ispuštanjem oborinskih voda sa kolovozne konstrukcije mosta.
Tretman otpadnih voda mora zadovoljiti uvjete propisane Uredbom o uvjetima ispuštanja otpadnih voda u okoliš i sisteme javne kanalizacije («Službene novine Federacije BiH» broj 26/20 i 96/20).

- 2.7. U projektnoj dokumentaciji definirati mjesto ispuštanja oborinskih voda u recipijent i dati detalj ispusta kao moguću kontrolnu točku u cilju monitoring kvalitete ispuštenih voda.
 - 2.8. Projektnom dokumentacijom definirati organizaciju i tehnologiju izvođenja radova na izgradnji navedeni trasa kojom će se spriječiti moguće štete u koritu i na obalama vodotoka.
 - 2.9. Premjerom radova predvidjeti i radove na uklanjanju svih pomoćnih objekata i radove na čišćenju pojasa vodnog dobra i dr.
 - 2.10. Pri izradi projektne dokumentacije pažnju posvetiti na položaj postojećih instalacija (vodovodne, kanalizacione, elektro, plinovodne, PTT i dr.) te dati tehničko rješenje za ukrštanje ili izmještanje istih uz suglasnost vlasnika infrastrukturnih objekata ili organizacijom koja njima upravlja.
 - 2.11. Otpad koji će nastati u toku izvođenja svih planiranih radova na izgradnji novih trasa se ne smije ni privremeno odlagati na česticu «vodno dobro», odnosno unositi u vodotok i na njegove obale.
 - 2.12. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova te ekološko-ekonomskih zahtjeva.
3. Investiciono-tehnička dokumentacija treba biti urađena i revidovana od strane pravnih lica koja imaju ovlaštenje pribavljeno od strane Federalnog ministarstva poljoprivrede, vodoprivrede i šumarstva (lista «A») shodno Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaje vodni akt («Službene novine Federacije BiH», broj 17/08 i 38/12).
 4. Nakon izrade projektne dokumentacije u skladu sa uvjetima iz ovog dispozitiva, a prije pribavljanja odobrenja za građenje, podnosilac zahtjeva je dužan izvršiti stručnu reviziju iste te na revidovanu projektnu dokumentaciju zatražiti vodnu suglasnost za izgradnju navedenih trasa i uređenje vodnog dobra, vodotoka u zoni istih.
 5. Uz zahtjev za izdavanje vodne suglasnosti, pored revidirane investiciono-tehničke dokumentaciju urađene u skladu sa uvjetima iz dispozitiva ovog rješenja, podnosilac zahtjeva treba dostaviti i dokumentaciju utvrđenu članom 8. i 19. stav (2) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20).
 6. Ova prethodna vodna suglasnost se daje sa rokom važenja od 3 (tri) godine od dana pravosnažnosti ovog rješenja i ista prestaje da važi ukoliko ne bude pribavljena urbanistička suglasnost za izgradnju navedenih trasa i ne bude podnesen zahtjev za izdavanje vodne suglasnosti.
 7. Ukoliko nakon izdavanja ove prethodne vodne suglasnosti, a u toku pripreme dokumentacije za podnošenje zahtjeva za izdavanje vodne suglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj suglasnosti, nosilac prava iz prethodne vodne suglasnosti dužan je o nastanku tih okolnosti obavijestiti ovu Agenciju, odnosno obavezno navesti okolnosti u zahtjevu za izdavanje vodne suglasnosti.

O b r a z l o ž e n j e

JP "CESTE FEDERACIJE BiH" d.o.o. Sarajevo uputili su ovoj Agenciji zahtjev za prethodnu vodnu suglasnost za izradu projektne dokumentacije koja se odnosi na rekonstrukciju raskrsnice-mosta na cesti M16, dionica Donji Vakuf-Kupres u naselju Poriče, općina Bugojno u postupku pribavljanja urbanističke suglasnosti.

Uz zahtjev je dostavljena sljedeća dokumentacija:

- Ovjerena kopija Upisa u sudski registar br. 065-0-RegZ-21-004696 od 24.5.2021. god. izdan od Općinskog suda u Sarajevu,
- Ovjerena kopija Uvjerenja o poreznoj registraciji izdanog dana 01.07.2016.god. od strane Porezne uprave Federacije BiH – Kantonalni porezni ured Sarajevo,

- Ovjereni kopiji Rješenja o prestanku registracije/upisa u jedinstveni registar obveznika indirektnih poreza, broj: 04/1-UPJR/1-2227-1/11 izdatog dana 07.09.2011. godine od strane Uprave za indirektno-neizravno oporezivanje Banja Luka,
- Studija za prethodnu vodnu suglasnost za rekonstrukciju raskrsnice-mosta na cesti M16, dionica Donji Vakuf-Kupres u naselju Poriče, općina Bugojno, izrađen od PPG d.o.o. Sarajevo, oznaka projekta 340-05/22 iz 02/22.,
- Zemljišnoknjižni izvadak br.118,928 i 383, izdani od općinskog suda u Bugojnu,
- Katastarski plan za predmetnu lokaciju izdan od Službe za urbanizam, građenje-katastarsko-imovinske poslove, općine Bugojno i
- Potvrda o usklađenosti s prostornim planom općine Bugojno br.01-23-00332/22 od 4.3.2022.god.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i članom 21. Pravilnika o sadržaju, obliku, uvjetima, načinu izdavanja i čuvanja vodnih akata o zahtjevu je dana 30.05.2022. godine obavještena javnost putem obavještenja na oglasnim pločama «Agencije za vodno područje rijeke Save» u Sarajevu i u Uredu u Jajcu, te dana 31.05.2022. godine u dnevnom glasilu «OSLOBOĐENJE». U datom roku nije bilo pisanih izjašnjenja o predloženim aktivnostima iz zahtjeva.

Pored navedenog, utvrđeno je da, shodno članu 7. i članu 12. stav (1) točka 1. Zakona o vodama, sa aspekta sektora voda ne postoje smetnje da se JP "CESTE FEDERACIJE BiH" d.o.o. Sarajevo izda prethodna vodna suglasnost za izradu projektne dokumentacije koja se odnosi na rekonstrukciju raskrsnice-mosta na cesti M16, dionica Donji Vakuf-Kupres u naselju Poriče, općina Bugojno, pod određenim uvjetima.

Uvjeti, koji se trebaju zadovoljiti prilikom izrade projektne dokumentacije, a koja je potrebna u postupku pribavljanja vodne suglasnosti i odobrenja za građenje, definirani su u dispozitivu ovog rješenja sukladno odredbama Zakona o vodama i Pravilnika o sadržaju, obliku, uvjetima, načinu izdavanja i čuvanja vodnih akata.

Iz razloga naprijed navedenih, a u skladu sa članom 200. stav (1) Zakona o upravnom postupku, te članom 111. Zakona o vodama, riješeno je kao u dispozitivu ovoga rješenja.


Podnosilac zahtjeva je uplatio upravnu i administrativnu taksu u iznosu od 80 u skladu sa Zakonom o izmjenama i dopunama Zakona o federalnim upravnim taksama i tarifi federalnih upravnih taksi («Službene novine Federacije BiH» broj: 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Marko Barić, dipl.ing.građ.

Po ovlaštenju
Rukovodilac Sektora za izdavanje vodnih akata

Haris Ališehović, dipl.ing.građ.

Dostaviti:

- JP "CESTE FEDERACIJE BiH" d.o.o. Sarajevo, Terezija br.54, Sarajevo
- AVP Sava, ISV-vodna knjiga
- Sektor 40 – arhiva
- Oglasna ploča – AVP Sava